

CAPVT II.

De hominis officiis in statu civili seu de iure naturae politico.

In praecedenti capite hominis officia consideravimus, quatenus sui iuris est, nullique auctoritatibus subiectus. Nunc vero hominem in societate constitutum variasque hominum societas et diversa officia contemplabimur, atque variis articulis, quantum methodi ratio postulat, distinguemus.

ARTICVLVS I.

De societate in genere et iuris politici origine.

I.

Societas definiri potest: *hominum coetus ad promovendum bonum commune.* Sunt autem societas vel *simplices* vel *compositae*. Simplices dicuntur quae ex singularibus hominibus coalescunt, qualis est *societas paterna, herilis, nuptialis* cet. Compositae vocantur, quae ex aliis societatibus componuntur. Quare patet, societas alias esse magis vel minus compositas, immo universus hominum coetus magnam societatem et veluti universalem quamdam civitatem constituit. At ingens haec societas in varias resplicas dividitur. Est autem *respublica*, magna hominum multitudo in societatem coalescens ad commune bonum, coniunctis viribus, promovendum. Administrandae

PARS II. CAP. II.

241

reipublicae cura vel uni vel pluribus committit potest. Rectae reipublicae forma, in qua summa potestas et potentia civilis est penes unum, dicitur *monarchia* sive *regnum*. Si autem summa potestas sit penes optimates, *aristocracia* vocatur. Si penes populum, *democratia* appellatur. Illae autem diversae regiminis formae possunt inter se misceri atque temperari, et hinc diversa componit reipublicae forma. In monarchia sive regno unus imperat: pervenit autem ad imperium vel electione vel successione. At quaecumque sit reipublicae forma, ad bonum publicum summo consensu tendent debent singuli tum imperantes tum etiam subditi. Itaque in republica actiones non ex privata tantum sed ex publica utilitate aestimari debent, atque si contingat, bonum privatum cum publico conciliari non posse, publicum antependendum esse evidens est. Quare in republica iustam esse potest, quod in statu naturali licitum est. Inde autem patet, quid sit ius *primitivum*, quid *secundarium*. Prius enim eamdem cum ipsis hominibus habet antiquitatem et perpetuitatem, atque est omnino immutabile; posterius autem temporis successu et pro circumstantiarum necessitate introductum est. Ita sacri religionis ritus mutari possunt: at cultus divinus est omnino immutabilis. Nulli mutationi obnoxia esse possunt filiorum erga parentes officia, civium erga patriam: at multa civium officia initium habuere post exstructas urbes, ex hominibus in societate iam conviventibus. Nata quoque sunt subditorum erga principes officia, postquam homines familiam antea consti-

Tom. VI.

Q

tuentes et paterno regimine gubernati, supremam publicamque potestatem sibi elegerunt, totamque auctoritatem vel uni tantum vel pluribus detulerunt. Inter varios principes orta deinde sunt bella, atque hinc originem habuit ius tuendi rempublicam adversus hostiles insultus: hinc iuris secundarii principia plurima ad societatem servandam necessaria.

II. Qua ratione ius politicum a iure primitivo et naturali differat, et praecedentibus manifestum est. Quamvis enim inter ius primitivum et secundarium aliquid discriminis admitti debeat; certum tamen est, ius secundarium in iure primitivo et naturali fundatum esse, atque ius politicum non solum ex iure primitivo naturali originem habere, sed etiam societatis naturalis atque libertatis perfectionem esse. Quia vero multa obiecti possunt, quae ad quaestionem illustrandam maxime conferunt, ideo sit

CONCLUSIO.

IUS POLITICVM IN IPSO IVRE NATVRALE FVNDA-TVR, ET EX EO ORIGINEM HABET.

Prob. In societate naturali aequales sunt homines singuli. Nulla enim alia in hoc statu existere possunt officia, quam quae fluunt ex ipsa hominis natura atque essentia, haec autem quum sit omnibus hominibus communis atque eadem, patet, natura aequales esse homines singulos. Ex illa aequalitate naturali profluit libertas naturalis, qua nempe

homo natura sui iuris est, ita ut actiones illius ab alterius voluntate non pendeant. Iam vero si homines in societate naturali ab omni perverso affectu et cupiditate immunes fuissent, mutuo officiorum et beneficiorum commercio colligati vixissent: modestam sine festu vitam egissent: sine ulla invidia et ambitione aequales nullum aliud nisi virtutis dominium agnivissent. At praesens hominum status a tanta virtute longissime distat. Maxima hominum pars cupiditatis impetu magis, quam rationis et veritatis dictamen sequitur. Si homo quilibet suarum actionum foret supremus arbiter, tanta libertas societatis confusionem atque perturbationem pareret; praesertim ubi mutuae utilitatis vel cupiditatis conflictus occurreret. In societate naturali nullus posset legum observantiam urgere, illarumque transgressionem reprimere. Hinc energetur maxime legum vis. Ita enim perversa est plerumque hominum natura, ut ex auctoritate *coactiva* robur adquirant leges: suppliciorum exempla perversis hominibus terrorem incutint, legis observantiam et societatis tranquillitatem foveant. Haec tanta forent societatis naturalis incommoda. Necessum ergo fuit, ut libertati huic naturali non permetterentur homines. Adversus haec gravissima mala in societate civili supremaque auctoritate querendum erat remedium.

Neque libertatem naturalem destruit libertas civilis, principum auctoritate et legum vi restricta atque limitata. In societate quidem naturali nullum esset hominum in se invicem dominium; at in quocumque statu homines a Deo divinisque

legibus pendere debent. Aliud omnino est hominem liberum esse, aliud nulli auctoritati esse subiectum. Prius ad hominis essentiam pertinet; posterius autem homini convenire non potest. Porro tantum abest, ut libertas civilis naturalem labefactet, quin e contrario eam maxime confirmet. Etenim quum lex quaelibet ex iure naturali suam originem saltem remote habeat (*ex antea demonstratis*), evidens est, eo tendere libertatem civilem et principum auctoritatem, ut homo legi naturali et rectae rationi conformiter agat. Itaque libertas civilis nihil est aliud quam libertas naturalis, eo scilicet spoliata iure, quo homines abuti possent, ac proinde libertas civilis naturalem perficit: libertatis civilis status est magis rationi conformis, ideoque hominis status naturalis vere appellari potest. Et re quidem ipsa, quum homo ex natura sua sit substantia intelligens et libera, quum possit statum suum ultimumque suum finem agnoscere, et necessaria ad eum adsequendum auxilia adhibere; ita considerari debet hominis status naturalis, ut tali hominum constitutioni, naturae, rationi, ultimo fini sit consentaneus: hic enim status homini vere naturalis dici potest. Porro conditiones illae singulae societati civili probe convenient. Atque ex his intelligitur, quid sit societas civilis, in qua scilicet principes sunt populorum domini et patres, ad commune regni bonum iustas leges decernunt, earumque observantiam statutis poenis suprema auctoritate imperant. Et vice versa populi principum imperio fideliter obediunt: constitutas leges diligenter observant: ad communem

patriae utilitatem summo consensu parique voluntate conspirant. { Ecquis autem beatam et homini naturalem societatem non fatebitur tam sapienti regimine temperatam? Immo etiamsi societas civilis pro humanae conditionis miseria nulla esse possit, quae omni careat incommodo, sitque ab omni imperfectione immunis; talis tamen societas etiam imperfecta libertati naturali longe est anteponenda. Quod quidem ex perversa hominum natura et intestino adfectuum tumultu facile evidens est. Societatis civilis necessitatem comprobant populorum omnium usus atque consuetudo. Nulla ferre est ita inculta barbaraque natio, quae aliquo non regatur imperio. Narrat Sextus Empiricus *adversus mathem. lib. 2.*, eam fuisse apud veteres persas consuetudinem, ut defuncto rege per quinque dies sine ullo principe essent, et in anarchia viventer. Idque eo faciebant consilio, ut supremae auctoritatis necessitatem experimento demonstrarent, et populorum obedientiam futuro principi confirmarent. Experiebantur enim brevissimo anarchiae tempore, homicidiis, rapinis aliisque criminibus plurimis regnum turbari atque devastari. Et nemo erat, qui in tanta scelerum omnium licentia principis alicuius necessitatem experimento non sentiret. Haec quaestio coniuncta est cum iis, quae antea de legum necessitate demonstravimus. Ex his omnibus iam concludere licet: ex iure naturali originem habet ius illud, quod in ipsa hominis natura fundatur, atque in societate, quae homini proprie naturalis dici potest; atqui sic se habet ius politicum; ergo ex iure naturali originem habet.

SOLVVNTVR OBJECTIONES.

Obiect. 1. Societas civilis non solum eamdem eum ipsis hominibus non habet originem atque antiquitatem; sed post longum temporis intervallum ex usurpatione magis quam ex iure ullo inventa videtur. Et quidem quum homini naturalis sit status et conditionis aequalitas, sine ullo iure haec aequalitas turbata fuit. Hinc societatis civilis originem repetunt aliqui politici ex privatorum quorumdam hominum ambitione atque dexteritate. Illic scilicet et maiori potentia et sollertia pollentes, debiliores simplicioresque homines primum sibi subiecerunt, quibus deinde propria voluntate aut etiam vi sese adiecerunt alii, atque ita deinde partis bello editionibus vires eundo adquisivit nascens imperium, hisque auctum incrementis in magnam societatem civilem temporis successu coaluit. Vnde sic argumentantur aliqui: In iure naturali fundata non est societas illa, quae communi hominum naturae repugnat, et ex usurpatione non ex aliquo iure originem habuit; atqui ita se habet ius politicum; ergo ex vi et usurpatione potius quam ex iure naturali originem habet societatis iura. Resp. N. Mai. Et primum quidem observandum est, praesentem questioinem non institui *de facto* seu de *actuali societatis civilis origine*, sed tantum de societatis civilis *iure ae necessitate*; quae quidem duo sunt probe distinguenda. Attamen ad singulas objectionis partes respondemus. Homines quidem libertate naturali donati sunt, huius vero libertatis per-

fectionem et complementum esse civilem libertatem, iam demonstravimus. Quod spectat ad societatis civilis originem, haec a primis mundi incunabulis repeti potest. Primis temporibus patres filiorum suorum paterno naturalique iure erant principes et domini. Quum enim filii procreati semetipsos educare nequeant, eorum educationem ab aliis suscipi oportet. Nulla autem est ratio, cur aliis potius quam parentibus filiorum educandorum cura committatur. Quare parentibus competit ius filios educandi, eosque ad virtutem formandi et dirigendi; illud autem ius *patria potestas* dicitur. Adulti filii et in aetatem proiecti patriae potestati manebant subiecti, tacito veluti consensu eamdem, cum quanati erant et creverant, auctoritatem agnoscebant, neque ullum erat *pupillaris maiorisque* aetatis discrimen. Itaque a primis mundi temporibus viguit societas paterna, in qua parentes erant filiorum principes *naturales* et *politici*. Porro quum longaevi fuerint primi parentes, in tanta senectute facile potuerunt relinquere filios prudentiae suea heredes, qui familiam sapienter gubernarent, et concesso fratribus iure regerent. Crescente familiarum numero, nulla dubitatio esse potest, quin familiae illae ad tuendam pacem servandamque communem utilitatem pro sua naturali libertate unum elegerint, qui gubernandis crescentibus familiis magis idoneus iudicabatur. Hanc primaevi regiminis formam retainent americani populi a Peruvii Mexicique imperiis longius dissiti: sua fruuntur naturali libertate, et modo principem instiunt defuncti principis heredem, modo autem

eum, quem magis prudentem magisque magnanimum existimant, substituunt. Certum ergo est, a primis mundi incububus iacta fuisse imperiorum fundamenta. Haec quidem imperia exigua habuere initia, et principes velut magistratibus dueibusque similes facile credi possunt. Et re quidem ipsa testantur vetustissimi scriptores, in uno eodemque populo plures exstitisse reges, inter quos pari auctoritate divisum erat imperium. At haereditatis iure partisque bello et victoria ditionibus, aut etiam populorum consensu atque voluntate creverunt et perfecta sunt imperia. Haec sunt, quae de societatis civilis seu politicae origine breviter dici possunt. Quae quidem ex ipsa hominum natura atque indole colliguntur, nempe ex naturali paterno iure, et unicuique hominum indito propriae utilitatis et tranquillitatis desiderio. Ceterum haec imperia parvis crevisse initis confirmatur ex scriptura sacra cap. 10. v. 8. Genes. ubi de Nemrod legitur: *et ipse coepit esse potens in terra. Verum probe meminisse oportet, quod antea monuimus, haec scilicet ex abundantia iuris, ut vulgo dicitur, adjuncta fuisse; non enim de facto sed de iure agitur.*

Obiect. 2. Hominem ad societatem factum non esse, demonstrat ipsa hominum natura. Ad bellum natum esse hominem, ostendunt perversissimi, quibus perpetuo agitatur humana natura, adfectuum tumultus. Et quidem homines ab ipsa natura in bona omnia aequale ius habent. Ex illa autem iuris aequalitate et proprii commodi amore id fieri debet, ut unusquisque, quantum potest, bona oc-

eupet, et occupata conservet, atque hinc mutuum bellum. Vnde sic argumentatur Hobbesius: homini naturalis non est status ille, qui hominum naturae omnino repugnat; atqui homini repugnat status politicus; ergo in iure naturali fundari nequit ius politicum. Resp. N. min. Quam inhumatum sit et a nostra natura alienum Hobbesii sistema, sentit unusquisque; quum nostrae conservationis amorem intimo conscientiae testimonio nemo est, qui non experiatur. Non solum proprii amoris unusquisque sibi conscientius est, sed etiam alios non secus ac nosmetipsos amare iubemur. Hunc utrumque amorem praecipit lex naturalis. Ergo hominis naturae repugnat bellum, nisi iustum habeat causam, ad tuendam scilicet rempublicam, iusque suum adversus hostes prosequendum. Quod autem de aequali in bona omnia hominum iure adiungitur, facile refelletur, si de rerum acquisitione et dominio aliqua exponamus. Quum Deus homines considerit, terrenisque rebus ad nostram perfectionem nos frui atque uti voluerit, procul dubio voluit etiam, neminem ab illarum rerum usu excludi. Igitur in ipso rerum initio in nullius domino res erant constitutae, seu erant in *communione negativa*, ut dicunt iurisprudentiae scriptores. Talem fuisse primaevam hominum conditio nem, testantur sacrae litterae Genes. cap. 1. v. 28. ubi Deus dixit hominibus: *Replete terram, et subiicie eam, et dominamini piscib[us] maris et volatilib[us] coeli et universis animantibus, quae moventur super terram.... Ecce dedi vobis omnem herbam adferentem semen super terram, et uni-*

*versa ligna, quae habent in semetipsis semen-
tem generis sui, ut sint vobis in escam. Hanc
primam hominum aetatem, quam saeculum au-
reum appellant poëtae, eleganter describit Virgi-
lius georg. I. v. 125.*

..... Nulli subigebant arva coloni.
Nec signare quidem, aut partiri limite cam-
pum
Fas erat, in medium quaerebant, ipsaque
tellus

Omnia liberius nullo poscente ferebat.

Verum e beato statu illo ob peccatum brevi de-
iectum est homo: *maledicta terra in opere tuo:
in laboribus comedes ex ea.... spinas et tribulos
germinabit tibi.... in sudore vultus tui vesceris
pane. Genes. cap. 3. v. 17. 18. et 19.* En primam
rerum acquisitionem dominique originem. Quum
enim cresceret hominum numerus, in familias plu-
rimas iam distractus, homines impulit necessitas,
ut in res ipsas, quae ad familiarum conservatio-
nen vitamque commode traducendam sufficerent,
dominium aliquod induceretur. Tale autem do-
minium, quod nempe ex rerum antea communi-
num divisione atque occupatione vel cultura o-
ritur, dominium *primum vel originarium* appelle-
latur. Porro si tanta esset generis humani felici-
tas, ut omnes aequo virtutis amore flagrarent, sa-
ne neque dominio neque pactis ullis indigerent.
Quum enim homo hominem tamquam se ipsum
amaret, eique ultro facere paratus esset omnia,
quae sibi ab altero fieri cuperet; quid opus es-
set dominio inter amicos, quorum omnia com-

munia sunt? At quum in praesenti hominum con-
ditione atque indole paucissimi reperiantur ita vir-
tutis studiosi, ut alterius utilitati non minus quam
suae serviant, rerum proprietatem atque domi-
nium invexit necessitas. Eadem necessitate intro-
ductum quoque est dominium, quod *derivatum*
appellant, in alios scilicet iure *adquisito* vel *ad-
ventitio* translatum. Varias autem iuris species ex-
plicare heic locus non est, sed iure hereditario
a parentibus ad filios derivat bonorum possessio.
Haec autem iura privata ius publicum et politi-
cum necessario postulant. Perpetuis enim discor-
diis pro hominum ambitione iactaretur societas,
nisi iura privata defenderet ius politicum, eaque
ab iniusta usurpatione vindicaret suprema aucto-
ritas. Itaque non ex hominum usurpatione sed ex
necessitate et Dei ordinatione orta sunt iusta at-
que legitima dominia, de quibus solis heic ser-
mo est: *omnis quoque potestas a Deo ordinata
est: qui potestati resistit, Dei ordinationi re-
sistit.* Quod autem spectat ad ius belli parta-
que victoriis dominia, ad praesentem locum non
pertinet: dominiorum originem pro nostro in-
stituto breviter explicasse satis sit. Ceterum pat-
tet, quam absurdum sit Hobbesii commentum:
hominem scilicet ad bellum non ad societatem
natum esse, solumque timorem esse praesentis
societatis principium. Et certe vel consideratur ho-
mo in statu *naturae innocentis*, atque in hoc
perfectionis statu nullis perversis affectibus fui-
set obnoxius: divinae legis observantia, summa
omnium hominum concordia et pace beatissimum

fuisset genus humanum. Si autem homo in statu naturae lapsae spectetur, cupiditate inordinatis que adfectibus turbatur pristina animae quies et tranquillitas; sed adfectus regere et compescere nos obligat lex ipsa naturalis. Itaque de natura hominis iudicandum non est ex ipsa naturae corruptione, sed ex natura, qualis esse debet per legem divinam et naturalem emendata. Quanavis ergo natura corrupta ad ambitionem, odium, bellum aliosque malos adfectus propensa sit; impium tamen est dicere, hominem ad malum natum esse. Hinc *pseudo-politici*, qui hobbesianum sistema laudibus extollere et praedicare non verentur, corruptam naturam cum vera hominis natura absurde atque improbissime confundunt.

Obiect. 3. Hominem ad societatem natum non esse, et ius politicum ex iure naturali originem non habere, facile demonstrant variae de potestatis origine politicorum conjecturae, variae regiminis formae. Alii supremae auctoritatis originem repetunt ex populorum consensu, alii ex armorum vi, alii supremae auctoritatis ius collendant in potentia praepollenti, simulque in sapientia et bonitate. Et re quidem ipsa si auctoritatis supremae ius ex ipso iure naturali emanaret, tot regiminum formis non distraheretur universus hominum coetus, seu omnes sub eadem regiminis specie societati magis consentanea viverent, et fideliter obedirent. His positis sic argumentari licet: ex hominis natura repeti non potest societatis et supremae auctoritatis necessitas, si de societatis et supremae potestatis origine variae sint

hominum opiniones, et diversissimae etiam apud diversos populos regiminis formae, atqui ita se habent diversae hominum opiniones, diversaeque regiminis formae; ergo ius politicum in iure naturali non fundatur. Resp. N. mai. Ambiguitate maxima laborare videntur, quae de societatis et supremae potestatis origine disputare solent plerique. Neque enim confundi debet auctoritas generatim considerata cum potestate aliqua particulari. Auctoritatis generatim spectatae originem ex hominum natura divinaque voluntate repetendam esse, iam demonstravimus tum in hoc articulo tum in alio, ubi sermo fuit de legum necessitate. At quod spectat ad singularis alicuius auctoritatis originem, haec diversissima esse potest. Ex mutuo populorum consensu ortum habuere aliquae res publicae: aliquae autem ex armorum vi et potentia, longa tamen et tranquilla possessione confirmatae. Hinc mirum non est, quod pro diversa populorum indole diversoque subditorum consensu, atque etiam pro ipso principis populos sibi subiicientis arbitrio, variae inductae fuerint rem publicarum et dominiorum formae. Sed hanc diversam dominiorum originem inquirere ad historiam magis quam ad ethicam pertinet. De meliori regiminis forma et iuri naturali magis consentanea, quaestio est a viris politicis fusius et parum utiliter agitata. Quum enim principes magni quidem homines sint, homines tamen; nullum imperium esse potest ab omni instabilitate, vicissitudine, imperfectione liberum; et quidem magis vel minus pro maiori vel minori imperantium sa-

pientia atque prudentia. Praeterea omnibus populis non eadem accommodata est rerum administrandarum forma. Haec enim pendere plurimum debet ex ipso populorum ingenio diversaque indole atque etiam ex ipsa imperii magnitudine et aliis conditionibus plurimis. At quaecumque sit regiminis forma; religio, aequitas, populorum salus, firma atque immutabilis esse debet cuiuslibet imperiis basis. Hinc patet, quaestionem: *de meliori regiminis forma*, generaliter agitari solitam, inutilem omnino esse politicorum speculationem. Ceterum diligenter monendum est, de potestatis civilis origine dumtaxat sermonem esse. De auctoritate ecclesiastica, quae divina est, suo loco, quantum postulat harum institutionum scopus, deinde tractabimus.

Obiect. 4. Si homini naturalis sit societas civilis, atque in ipso iure naturae fundatum sit ius politicum, iam contra legem naturalem peccare dicendi sunt religiosi homines, qui ab hominum societate longius remoti, solitariam in eremis vitam degunt, qui nullius imperio subiecti Deo sibiique ipsis vivunt. Ii enim ab hominum coen et consortio segregati, nulla aliis officia praestare, nulla vicissim recipere possunt. Vnde sic concluditur: ex principiis hactenus explicatis colligi potest legi naturali consentaneam non esse, ac proinde damnandam sanctissimorum hominum vitam, qui in desertis locis procul a negotiis societati civili sese subducunt, aliamque beatorem in coelis vitam et societatem exspectant; atqui talis *vera* fuit vita quorundam solitariam vitam agen-

tium; ergo eiusmodi hominum vivendi regula iuri naturae consentanea non fuit. Resp. N. mai. Hae vanissimae sunt saepiusque per vulgatae iniuriae, quibus monasticum solitariumque statum lassessere et fastidiose traducere solent nonnulli. Verum si solis mundi illecebris capti distinctam minime habent societatis civilis notionem. Et quidem si societatis nomine intelligunt deliciarum voluptatumque commercium, si intelligunt communem inter alios homines vitam, in qua propriis commodis serviant, de publica utilitate nihil solicitati; praeclaro societatis nomine nequaquam decorari debet talis coetus. Si vero per societatem intelligatur tantum hominum coetus, qui vel publicorum negotiorum administratione, vel artium et scientiarum exercitatione ad status mere civilis bonum conspirant, optima quidem est et maxime laudanda talis societatis pars. Verum haec totam, quod ad omnes sui partes, societatem non constituit. Neque enim immerito societatem universam adumbrant aliqui exemplo rotae, cuius radii singuli pro modo suo ad rotae motum circa centrum conferunt. Porro velut societatis centrum haberi debet bonum commune, cuius quidem boni basis et fundamentum est religio. Utissimum ergo est bono communi et universae societati existere homines quosdam, qui suis erga Deum officiis maxime dediti, non solum aliis erga homines officiis non desunt, sed contra pro communione omnium bono divinam misericordiam implorant, divinamque iustitiam adsiduis flectunt precebus. Tales autem homines a societate et tumul-

tu longe semoti non solum societati inutiles non sunt, sed contra utilissimi. Ceterum legitimae potestati sese non possunt subducere solitarii homines, atque in locis etiam remotissimis privatim viventes, auctoritati, ex qua pendent, obedire paratissimi esse debent. Haec pauca dicta sint ad vindicandam *solitariae* etiam atque *eremitariae* vitae sanctitatem. Quod autem spectat ad religiosum *coenobiticumque* institutum, defensione opus non est: quum talis instituti homines in societate vivant, suisque officiis, oratione, studiis, laboribus evangelicis universae societati pro suis viribus servire studeant, et studere debeant. Ceterum *apologia* non indigerent diversi hominum status, nisi tanta esset multorum superbia atque iustitia, ut suam conditionem plurimi faciant, alienam vero contemnant.

ARTICVLVS II.

De societate quod ad virtutes intellectuales et morales consideranda.

I.

Quid sint virtutes intellectuales et morales, iam ante explicavimus. In societate autem promoveri maxime debet virtutum praesertim moralium progressus. Sedulo tamen de virtutum intellectualium exercitio curandum est. Itaque cura gerenda est, ut liberi absque gravi sumtu et parentibus oneroso instituantur, atque ad futurum vitae genus praeparentur. Erigendae igitur sunt *scholae* et *academiae*.

miae. In scholis aetas imbecillior docetur prima litterarum elementa, in academiis autem maturior aetas ad scientias et artes in societate utiles formatur. Docentum igitur numero adscribendus non est, nisi qui in scientia et arte, quam profitetur, excellat, docendi facilitate polleat, et ab omni absit negligentia. Si enim hac in re diligentem operam non collocaverint impetantes, mala erit reipublicae administratio, atque viris parum idoneis gerenda committentur negotia, artesque et scientiae tractandae. Vnde in societatem redundabunt plurima malorum genera. Quia vero hominum erga se ipsos officia postulant, ut vitae adiumenta sibi comparent, industriae et diligentiae incitamentum esse debent stipendia et praemia: docentibus adsignari debent redditus satis liberaliter. Neque etiam ii ab honoribus et dignitatibus arcendi, alioqui docendi munus fastidient viri in scientiis et artibus excellentes. Ut autem discentes fidem habeant docentibus, neque de illorum scientia dubitationem ullam habeant, ad docendi munus ii potissimum adhibendi sunt magistri nominis celebritatem iam consecuti. Quum vero nominis celebritati officiant mores non satis boni, atque in discentium contemptum facile veniant praceptores non bene morati, curandum est, ut viris probis atque honestis committatur docendi munus. Discentium amorem sibi concilient docentes, ac proinde a nimia severitate sibi temperare tenentur. Quia vero oleum et operam perdunt magistri, nisi auditores documentis attentam aurem praebant, docentibus convenit potestas obligans.

di discentes, ut diligentiam in studiis adhibeant. Ne autem docentes potestate abutantur, iis concedenda non est auctoritas absoluta, sed certis legibus adstricta ita, ut caveatur tantum nimia auditorum libertas supinaque negligentia.

Quamvis ex scientiarum artiumque incremento maxima salutis publicae pars pendeat; cendum tamen est, ne maior litteratorum numerus reipublicae sit oneri. Quare habendus est ingeniorum delectus, atque ad studiorum genus aliquod admittendi non sunt, nisi ii qui ingenii dotibus sunt instructi et ad discendum idonei. Itaque a litterarum studiis eos arceri convenit, quibus est modicum ingenium, et deest ad sumptus facultas. At si excellentioribus quibusdam ingenii defuerint necessaria studiorum adiumenta, iis subministrari oportet, quae ad excolendam ingenii dexteritatem sufficient, non autem ad luxum, qui studiis ponit impedimenta. Ad augendam docentium existimationem, ac proinde et discentium diligentiam maxime conferet, si docentes mutuam tueantur auctoritatem, si mutuis officiis se invicem devinciant, neque unus auctoritati vel doctrinae alterius deroget. Sese etiam illiteratis viris amicos et commendabiles reddent, si in familiaribus colloquiis, ubi non est eruditioni et doctrinae locus, magistrorum personam sustinere, et quasi e suggestu perpetuo loqui non affectaverint. Illud enim vitium hominibus ingenuae et liberalis educationis importuna garrullitas videtur omnino intolerabilis. Porro si doctissimorum hominum coetus ita fuerit compositus, evidens est maxima in socie-

tatem commoda inde posse derivare. Quia autem viris negotiorum mole obrutis, ut plurimum, non vacat artibus atque scientiis excolendis invigilare; artium et scientiarum academias instituere iuvat, doctisque viris scientiarum et artium incrementa committere. Neque in speculatione tantum consistere et morari debent haec instituta, sed conferenda sunt necessaria in comparandis instrumentis faciendisque experimentis pecuniarum subsidia. Celebres quoque diversarum artium officinas constitutere utilissimum erit. In iis enim praestantes artium tirones educare atque formare iuvabit non sine magna reipublicae utilitate. Haec sunt praecipua, quod ad virtutes intellectuales, societatis officia. Sed quod societatis caput est, quod ad virtutes morales officia exponamus.

II. Prima sit principia cura, ut non modo liberi a primis incunabulis ad virtutis exercitium vitorumque fugam instituantur atque formentur; sed etiam ut aetate proiecti in virtutis tramite retineantur, et ad vitiorum devia non deflectant. Itaque constituendi sunt sapientes viri, qui boni malique discrimen diligenter doceant, virtutis amorem vitiisque horrorem non solum puerorum iuvenumque animis instillent; sed etiam proiectibus hominibus praeisciendi sunt magistri doctores, qui adultioribus hominibus ea, quae pueri dicere, virtutum morumque praecepta in memoria revocent, fusiusque explicent, et eos ad virtutis studium vitorumque fugam totis viribus hortentur. Juvenilis aetatis mores in scholis formari possunt, atque ad virtutes morales simulque in-

tellectuales flectenda est certa adolescentium aetas. Proiectis autem hominibus satisfaciunt pastores atque ecclesiae ministri. Ad mores informandos maxime conferunt libri pie et religiose conscripti; contra autem mores corrumpunt libri perversi. Curandum ergo est, ut typis mandentur libri, quorum lectio morum doctrinam et proxim augere possit; contra autem in societate bene morata velut tetrica pestis avertendi et cavendi sunt libri, qui a sana religionis doctrina morumque disciplina abhorrent. Quia vero parentum et praecitorum negligentia fieri potest, ut iuvenes de Deo atque officiis perfunctorie erudiantur; ministris ecclesiae doctoribusque publicis incumbit officium, ut in iuvenum institutionem diligenter inquirant. Porro ut docentium numerus praeter necessitatem non augeatur, decernendi sunt in templis conventus publici. Ita enim commodius ad examen revocari poterit moralis iuvenum educatio, atque adultis hominibus explicari sancta fidei morumque doctrina.

At quum in potestate imperantis non sit, ut in civium sibi subditorum animis internam sinceramente virtutem excite, de externa morum honestate diligenter curandum est; ideoque quum naturalis divinaque obligatio ad virtutis et honestatis exercitium satis non sit in perversis hominibus, constituenda est *obligatio civilis*, ac proinde honestis actionibus praemia, turpibus autem poenae decerni debent. Sunt autem praemia bonum aliquod cum actione committenda vel omitienda voluntate legislatoris connexum. Contra autem po-

nae sunt malum, quod cum actione committenda vel omittenda connectitur. Porro bona sunt vel fortunae vel corporis, ac proinde praemia civilia in fortunae corporisque bonis consistunt, contra autem poenae in eorumdem bonorum iactura. Inter bona fortunae eminent opes et honores, quorum proinde bonorum iactura censemur mala. Vicem igitur poenae subit bonorum illorum iactura; prima mulctae, altera autem *infamiae* nomen habet. Quia vero corporis dolor inter corporis mala refertur, *poena corporis afflictiva* dicitur. Quum autem mors sit *ultima linea rerum*, vitae iactura ob crimen aliquod inficta *poena capitalis* vocatur. Inter praemia locum in primis habent *dignitates* atque *existimatio civilis*. His stimulis ad praeclaras actiones excitari solent homines, atque honestos viros invidiae ratione aliquando improbi aemulantur quae aemulatio, etsi virtutis non sit, ad honestatem tamen externam, de qua heic sermo est, plurimum conductit. Poenae vero corporis afflictivae et capitales pro gravitate criminis legibus ciuilibus decernuntur, et maxime locum habere debet legum severitas, si crimen in publicae tranquillitatis societatisque damnum vergere possit. Verum quum poenae non solum ad emendationem et castigationem, sed etiam ad terrorem infligantur pro criminis turpitudine, publica supplicii executione improbam multitudinem terren oportet.

III. Virtutes morales in proxima sectione sigillatim explicabimus. Verum societatis civilis pacem ac tranquillitatem nulla alia virtus magis quam iustitia fovet atque amplificat. Iustitiae est unicui-

que tribuere , quod suum est. Quare quum saepissime contingat , ut unus alteri tribuere nolit , quod debet , vi adigendus est , ut id faciat. Itaque imperantis est , eum , qui damnum intulit , ad restitutionem cogere. Curandum ergo est , ut pacta , conventiones , emptio et venditio , aliaque id genus commercia legitime celebrentur. Sed conditio nes particulares exponemus , ubi sermo erit de societate , quod ad statum externum considerata. At non solum bonorum fortunae et corporis securitati providendum est , sed etiam civium famam tueri , illatasque iniurias castigare oportet; ac proinde constituendi sunt indices iurium periti , aequitatis amantissimi , quorum sit illatas quamcumque iniurias vindicare. Eos autem muniri necesse est auctoritate , qua latam sententiam execu qui cogant. Neque enim in societate ferendum est , quemquam privata potestate de alio vindictam sumere , idque non solum praecepto divino , sed etiam societatis civilis paci omnino adversatur. Itaque iudices instituendi sunt , quibus incumbit auctoritas de controversiis civilibus sententiam ferendi , et ad sententiae executionem refractarios cogendi. Verum ad maiorem iudicij aequitatem iudices inferiores constitui debent , quorum iudicia ad superiores magistratus vocentur , atque horum etiam sententiae ad summum aliquod tribunal iterum provocentur. Haec provocatio a iudice inferiori ad superiorem *appellatio* nuncupatur. Porro sententia secundum leges ferenda , ac proinde inutiles in causis definiendis nectantur morae non sine magno civium detrimento , danda est opera,

ne in causa cognoscenda multum temporis im pendit debeat ; quod quidem praecavebitur incommodum , si perspicuis verbis exprimantur leges pro cassuum varietate , ita ut nullus supersit cavil lationi locus.

IV. Ad virtutum moralium doctrinam pertinet quoque imperantis cura circa religionem. Quum autem religionis revelatae necessitas in metaphysica demonstrata sit , solique religioni christiana e atque sanctae romanae ecclesiae conveniat vera divinae revelationis criteria , id p[er] aliis omnibus curare debent imperantes , ut inter cives sancta religio floreat. Continetur autem religio rerum credendarum fide , cultu Dei interno atque externo. Quare imperantis est curare , ut doctores publici instituantur , qui divinam revelationem exponant , cultumque Dei internum atque externum explicent. Verum ad hoc praeclarissimum munus eligendi sunt viri moralium virtutum scientia non solum instructi , sed etiam morum honestate conspicui. Ita enim verbo et exemplo cives docebunt , atque religionis sinceritatem suo exemplo in suspicionem atque contemptum non adducent. Ex his manifestum est , permittendum non esse in republica , ut disseminentur errores sanctae religioni adversi , atque si perversissimus aliquis et temerarius de fidei morumque praeceptis parum reverenter loqui non vereatur , is poena coëcendus est. Tantam enim impietatem impune tolerari non solum praecepto divino contrarium est , sed etiam reipublicae saluti et tranquillitati. At quum non desint scelentissimi homines , qui religionis cuiuscumque , immo

et nullius religionis sive atheismi tolerantiam commendant, perversissimum errorem speciali conclusione refellemus. Verum ut nullam in hoc gravissimo argumento ambiguitatem relinquamus, praemitti debent nonnulla, quantum patitur institutionum philosophicarum ratio, licet ad sacram theologiam proprio iure pertineant.

Quamvis in rebus ad religionem perninentibus imperantis nomen generatim usurpaverim, accurate tamen distingui debet auctoritas ecclesiastica ab auctoritate mere *civili et politica*. Quod ut diligenter fiat, considerari debet religio, vel quod ad fidei morumque dogmata *speculative et definitive spectata*, vel quod ad eadem dogmata *practicę tantum spectata et in ordine ad exsecutionem*. Quod spectat ad definienda fidei morumque dogmata, haec auctoritas civilis non est sed divina. Et quidem quum religionis revelatae necessitas demonstrata sit: eadem quoque ratione auctoritatis divinae et infallibilis necessitatem demonstratam esse oportet. Etenim necessaria omnino est auctoritas divinae revelationis interpres, quae proinde etiam divina nullique errori obnoxia esse debet; alioquin non satis utilis foret revelatio, quae fallaci hominum intelligentiae et perversae interpretationi permitteretur. Conveniens ergo erat divinae bonitati, auctoritatem aliquam constitui certissimam revelationis interpretēm. Hanc auctoritatem a Deo *immediate institui*, hominibusque manifestari, eidem divinae bonitati consentaneum erat. Hinc patet, quid discriminis sit inter auctoritatem *spiritualem* et inter potestatem *civilem*.

Omnis quidem potestas a Deo est: Deus vult legitimis principibus homines obedire. Sed auctoritas civilis a Deo non est *immediate instituta*, nec principibus mere civilibus in gravissima religionis materia iudicandi auctoritatem concessit. Et certe auctoritas illa nec falli nec alios fallere potest, ac proinde eadem perpetuo esse debet, quae tali auctoritate constituitur fidei morumque doctrina. Porro haec doctrinae unitas atque perpetuitas ab omnibus principibus et qualibet aetate servata non est. Quaerenda ergo est auctoritas alia divinae revelationis fidissima interpres, quam Deus certissimis oraculorum et prodigiorum signis demonstraverit. Talem vero auctoritatem convenire soli ecclesiae romanae, cuius caput est summus pontifex, demonstrant theologi. Nobis autem in institutionibus philosophicis de argumento mere theologico plura adiungere non licet. Verum evidens est, eidem auctoritati a Deo institutae ius competere leges ferendi, quibus foveatur morum disciplina, externusque Dei cultus stabilietur. Etenim quum huic auctoritati conveniat ea definire vel explicare dogmata, quae ad fidem moresque pertinent, ad eamdem auctoritatem spectat quoque eas praescrivere leges, quae fidei morumque puritatem maxime conservare valeant. Non solum autem potestas ecclesiastica leges potest condere, sed etiam ad earumdem legum exsecutionem cogere, et refractarios poenis coercere. Et quidem si id possint et debeant principes in legibus mere civilibus, quanto magis id fieri debet in legibus, quae ad divinum cultum morumque di-

sciplinam pertinent? Rectae enim rationi repugnat, potestatem aliquam leges ferendi ius habere, ea autem carere auctoritate; qua ordinis, disciplinae legumque vigorem conservare possit. Ceterum quamvis potestati civili non competit auctoritas fidei morumque dogmata definiendi et leges ecclesiasticas praescribendi, fidem tamen, mores ecclesiasticasque leges sua auctoritate tueri debent religiosi principes, atque summa sacerdotii et imperii concordia efficiendum est, ut fidei morumque sanctitas vigeat atque conservetur. Hanc utramque auctoritatem perperam confundunt ex haereticorum secta juris politici scriptores. Verum ineptissima sunt illorum argumenta; idque unice probant, civilibus principum legibus protegendarum esse atque tuendam fidei morumque observantiam. Sed diversi omnino generis sunt auctoritates, quarum una fidei morumque dogmata definit, leges ad fidei morumque doctrinam spectantes praescribit, refractarios etiam poenis coeret; altera autem legum executionem urgere, audaciam atque impietatem reprimere tantum debet. Neque timendum est, quod ridicule omnino obiciunt haeretici: *omne regnum in se divisum desolabitur: nemo potest duobus dominis servire.* Nulla enim metuenda erit divisio, nulla desolatio, si potestas quaelibet Deo serviat, et pro auctoritatis suae modo fidei morumque sanctitatem promoveat. Et certe parum sibi constant recentiores haeretici, qui dum sacrae scripturae auctoritatem profitentur, negant tamen ecclesiasticam potestatem in sacris litteris manifeste ex-

pressam et Christi Domini verbis constitutam. Haec pauca dixisse, convenientissimum existimavimus. Persaepe enim studiosae iuventutis manibus teruntur libri perniciosissimis principiis de ecclesiastica civilique iurisdictione referti. His praemissis sit

CONCL V S I O.

IMPIISSIMA EST ATQVE ETIAM SOCIETATI CIVILI
PERNICIOSISSIMA FALSÆ CVIVSCVMQVE RELI-
GIONIS, ET ATHEISMİ TOLERANTIA.

Prob. 1. pars. Tria sunt hominis officia generaliter considerata, nempe erga Deum, erga se ipsum, erga alios. Atque haec tria officia non subditos tantum, sed imperantes quoque strictius obligant, quum principes non solum haec officia observare, sed etiam ut a subditis observentur, curare atque invigilare debeant. Porro hanc observantiam legibus et poenis urgere tenentur imperantes (*ex dem.*). Neque id debet intelligi dumtaxat de religione naturali. Quum enim demonstrata sit religionis revelatae necessitas, qui falsam religionem profitetur, is non solum suis erga Deum officiis, quae omnium primaria sunt, non satisfacit, sed sibi quoque et aliis deest; quum falsam ipse religionem teneat, et suo exemplo alios in falsa religione confirmet. Itaque quum ipsa religio naturalis demonstret, illud esse imperantium officium, ut sua auctoritate statutisque poenis eos coerceant, qui triplex officiorum genus aut ex his officiis aliquod observare pertinaciter detrectant;